

67 3. apríl. — tjarnarness og Álptanesshreppum, er ekki hafa verið framkvæmdar alveg tryggjandi lækningar á, sje ekki takandi í mál, að nema úr gildi að nokkru eða öllu leyti fjárrekstrabann það, er liggur á takmörkum kláðasvæðisins, og bendið þjer þar að auki á, að ekki virðist vera nœgar ástæður til, að veita nefndum fjáreiganda sjerstaklega undantekningu undan hinu almenna rekstrarbanni.

Út af þessu skal yður tjáð til þóknanlegrar leiðbeiningar og birtingar fyrir hlutadeiganda, að leyfi það, sem sótt hefir verið um, verður sem stendur ekki veitt.

68 11. apríl. — *Brjef ráðgjafans fyrir Ísland til landshöfðingja um vanskil á gjöldum fyrir afgreiðslu frakkneskra fiskiskipa.* — Út af því að erindreki konungs í París hefir tekið það fram í skýrslu einni til utanríkisráðherrans, að utanríkisráðherra Frakkastjórnar geti eigi komið það vel, að allt af sje verið að koma með kröfur stjórnarvegin um borgun á gjöldum fyrir afgreiðslu frakkneskra fiskiskipa samkvæmt lögum 17. desember 1875 um breytingu á tilskipun um fiskiveiðar útlendra við Ísland 12. febrúar 1872, með því að gjaldið nemi optast mjög svo litlu, í samanburði við þá hina miklu fyrirhöfn, er það valdi, og allan þann fjölda valdsmanna, er verði að takast verk á hendur fyrir það, hefir ráðgjafanum sýnt það reynandi, til þess að sem minnst að auðið er þurfi að koma til þeirra kasta, er stjórnarerindi reka ríkja á milli, um heimtu á smágjöldum þeim, er hjer ræðir um, að leitast við að fá gjöld þessi greidd með því móti, að þegar sýslumönnum tekst eigi að ná þeim hjá formönnum fiskiskipanna, snúi þeir sjer til foringja hinnar frakknesku sjóliðsvarðeildar á Íslandi, undir eins og hann kemur, og beiðist borgunar af honum, og mun hann varla skorast undan að greiða hana, ef sýslumaður færir nœgilegar sönnur á mál sitt; en komi foringinn eigi, sendi sýslumennirnir kröfur sínar til yðar, herra landshöfðingi, og eruð þjer beðnir að leggja þær fyrir foringjann, er hann kemur til Reykjavíkur, og skora á hann að greiða fjeð. Skyldi samt sem áður verða nauðsynlegt, að leita aðgjörða ríkisstjórnarerindsreka í þessu efni, hefir ráðgjafinn samkvæmt ósk sendiherrans kveðið svo á, að safna skuli fyrir kröfum þeim, er berast kynnu um þetta, og senda þær síðan utanríkisráðgjafanum til frekari aðgjörða einu sinni á ári, sem sje undir eins og síðasta póstagufuskip er hingað komið, og eiga því sýslumenn, ef til kemur, að senda yður, herra landshöfðingi, slíkar kröfur nógu snemma.

Um leið og þetta er tjáð yður, herra landshöfðingi, eruð þjer þjónustusamlega beðnir að kenna sýslumönnum þær reglur, sem við þarf í þessu efni, og verður jafnframt að biðja yður að brýna af nýju fyrir þeim boð ráðgjafans 8. júní f. á. um, að sýslumenn kosti eptir megni kapps um, að ná af sjálfs sín rammleik í gjöldin hjá hinum útlendu fiskiskipum.

69 14. apríl. — *Brjef ráðgjafans fyrir Ísland til landshöfðingja um laun yfirsetukvenna.* — Í þóknanlegu brjefi 24. febr. þ. á. hafið þjer, herra landshöfðingi, skýrt frá, að með því að fyrirkomulag það á yfirsetukvennaskipun, er fyrir er mælt um í lögum 17. desbr. 1875, sje eigi komið á í suður- og vesturumdæminu, en það skipti yfirsetukonurnar í Reykjavík nokkru, vegna þess, að nokkuð af suðuramtinu liggi í þeirra umdæmi eptir hinu eldra fyrirkomulagi, hafið þjer boðið að greiða þeim þetta ár hin árlegu laun, er þeim eru veitt í 11. gr. fjárlaganna, 124 kr. hverri. Jafnframt þessu hafið þjer ítrekað

hinar fyrri tillögur yðar í bræfi 26. nóvbr. f. á., þess efnis, að gjörð verði ráðstöfun til, **69**
 að þegar hið nýja fyrirkomulag sje á komið, verði svo um búíð, að tjeðar yfirsetukonur, 14. apríl.
 er auk launa þeirra, er þeim eru veitt úr landssjóði, hafi enn fremur haft 90 kr. hvor
 um árið úr sveitarsjóði, haldi launum þeim, er þeim eru veitt úr landssjóði, eða fái
 að minnsta kosti mismuninn milli 100 kr.-launa þeirra, er lögín frá 1875 ákveða, og
 launanna úr landssjóði og sveitarsjóði að samanlögðu, og í annan stað spurzt fyrir um,
 hvernig fara eigi með þær 200 kr. á ári, sem veittar eru í fjárlögunum handa yfirsetukon-
 um utan Reykjavíkur, er búíð sje að koma á í norður- og austurumdöminu hjeraða-
 skiptingu þeirri, er skipuð er í lögum frá 1875.

Út af þessu skal það þjónustusamlega tjáð til þóknanlegrar leiðbeiningar, að það
 er auðsætt á lögum 17. desbr. 1875 og eins á umræðunum á alþingi áður en lögín
 komu út, að þegar fyrirkomulag það, er lögín skipa, er á komið, á að greiða launin
 handa yfirsetukonunum úr sveitarsjóði, en eigi úr landssjóði. Þar af leiðir, að yfirsetu-
 konunum í norður- og austurumdöminu ber eigi þetta ár neinn hlutur í áminnstum
 200 kr., en aptur eiga bæði yfirsetukonurnar í Reykjavík — svo sem þær og hafið haldið
 — og yfirsetukonurnar í suður- og vesturumdöminu, að fá laun þau úr landssjóði, er
 þær hafa haft að undanförmu, unz hið nýja fyrirkomulag er á komið.

Að því er snertir það atriði, að búa svo um, að þegar þetta er á komið, fái
 yfirsetukonurnar í Reykjavík eins eptir sem áður laun þau úr landssjóði, er þær hafa
 haft að undanförmu, þá hefir ráðgjafinn samkvæmt því, sem á undan er á vikið, eigi
 þóttzt geta sett hin fyrri laun úr landssjóði í frumvarpið til fjárlaga fyrir árin 1878 og
 1879, með því líka að hann gjörir ráð fyrir, að hið nýja fyrirkomulag komist á þetta ár,
 og vegna þess að þessi laun fara 24 kr. á ári fram úr launum þeirra eptir lögunum frá
 1875, hefir hann sett í fjárlagafrumvarpið uppástungu um, að veita þeim slíkt tillag; en
 að öðru leyti verður það að heyra til sveitarfélagsins, að veita þeim frekara tillag, ef
 tilefni virðist til þess.

Farþegagjald póstgufuskipsins.

70

I. Milli Islands og

Kaupmanna- hafnar.	í 1. lyptingu.			Fram og aft- ur í sömu ferð.	Leiths eða Grantons.	í 1. lyptingu.			Fram og aft- ur í sömu ferð.	Færeyja.	í 1. lyptingu.			Fram og aft- ur í sömu ferð.
	í 1. lyptingu.	í 2. lyptingu.	í 3. lyptingu.			í 1. lyptingu.	í 2. lyptingu.	í 3. lyptingu.			í 1. lyptingu.	í 2. lyptingu.	í 3. lyptingu.	
frá Reykjavík sunnan um landið	90	72	160		frá Eskifirði eða Seyðisfirði . .	90	72	160		frá Eskifirði eða Seyðisfirði . .	24	18	36	
— Reykjavík norðan um landið	120	100	210		— Reykjavík norð- an um landið . .	120	100	210		— Reykjavík norðan um landið	54	36	90	
— Eskifirði eða Seyðis- firði	90	72	160		— Reykjavíksunn- an um landið . .	90	72	160		— Reykjavík sunnan um landið	40	30	70	